



Hans Enoksen
Inatsisartunut ilaasortaq
Naleraq
inatsisartut@inatsisartut.gl

Nutarterinissamut taarsigassarsiaritit pillugit § 37 naapertorlugu apeqquteqaammut 2024-096-imut akissut

23-05-2024
Sags nr.:2024-9878
ID. nr. 92343903

Asasara Hans Enoksen

Inatsisartut suleriaasianni § 37 naapertorlugu nutarterinissamut taarsigassarsitineqarnissamut periarfissat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Ullumikkut nunaqarfinni 1975-miit illuliat "Illorput 43" aamma "Illorput 69" amerlasuut aserfallassimaqisut, inuttaasa taarsigassarsillutik periarfissai pitsanngorsaaffiginiarlugit Naalakkersuisut qanoq pilersaaruteqarpat? a) Illunik piginnittut ikiorlugit aserfallatsaaliinissaannut attartorfissaasinnaasunik pilersitsinissamik eqqarsaatersuuteqarpisi?

Akissut: Illut aserfallatsaaliorneqannginnerinik ajornartorsiut, Naalakkersuisut eqqumaffigaat. Taamaattumik illuutillit illuutiminnik piusunik iluarsartuussinissaminut, pitsanngorsaaniissaminut, alliliinissaminnullu taarsigassarsitineqarsinnaaniassammata imaluunnit tapiiffiqineqarsinnaaniassammata, illuutilinnut ikiuutaasunik ataavartumik aaqqiissuteqartarsimavoq.

Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersoq innersuussutugalugu, illunik pioreersunik nutarterinissami aningaasartuutit tamarmiusut 40%-ii tikillugit, annerpaamilli 300.000 koruuninik taarsigassarsisoqarsinnaavoq. Tassunga tunngatillugu pensionisiallit aningaaserivimmit taarsigassarsitineqarsinnaanngitsut, allatigulluunniit aningaasalersuinissaminut periarfissaqanngitsut 300.000 koruuninik taarsigassarsitineqarsinnaapput.

Siuliani periarfissat illuutillit ilaasa pisariaqartitaannut tamakkiisumik matussutaanngimmata Naalakkersuisut eqqumaffigaat, taamaattumillu *Illunut sanaqataaffiusunut taarsigassarsiat pillugit Inatsisartut inatsisaata allanngortinneqarnera pillugu Inatsisartut inatsisaat*, Inatsisartut 2023-mi ukiakkut ataatsimiinnerini (immikkoortortoq 41) saqqummiunniikuullugu. Siunnersuut 2024-mi juunip aallaqqaataani atuuttussanngorlugu, Inatsisartut 2024-mi upernaakkut ataatsimiinnerini akuersissutigineqarpoq.

Akuersissutigineqarneratigut nunami kommunalbestyrelsit pilersaarutaasumik aserfallatsaaliuinissanut, illunillu sanaqataaffiusunik suli taarsigassarsiissutinik

akilersuiffiusut nutarterneqarnissaannut ilaatigut taarsigassarsisitsillutillu tapiissuteqarsinnaalissapput.

Naalackersuisut naatsorsuutigaat, inoqarfinni mikinerusuni illuutillit aserfallatsaaliuinissami, nutarterinissamilu aningaasalersorneqarnissaannut atatillugu, illunik sanaqataaffiusunik piginnittut unammillernartitaanut allannguutissatut siunnersuut naammassinissasoq.

Apeqput 2: Illut taaneqartut “Illorput 43” aamma “Illorput 69” sanaartorneqarnerminni kiassaateqartinneqarput angallatit kissarsuutaannik (skibsovn). Ullutsinnut naleqqutinngivimmat tamakku kiassaaticigissallugit apererusuppunga Naalackersuisut kiassaatersuinissamut attartorfissaasinnaasunik periarfissiiniarnersut eqqarsaatersuuteqarnersut?

Akissut: Apeqputip 1-ip akineqarnerani taarsigassarsinissamut periarfissat takukkit.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen